



National Agricultural Research Institute

Sapos yu laikim mo long dispela pepa yu ken rait i kam long adres i stap ananit  
long dispela toktok:

The Librarian  
National Agricultural Research Institute  
Wet Lowlands Mainland Programme  
PO Box 1639  
LAE 411  
Morobe Province  
Telephone: (675) 475 1033/475 1228  
Facsimile: (675) 475 1034  
Email: [nariwll@datec.net.pg](mailto:nariwll@datec.net.pg)

## **Binatang Bilong Rais**



NARI TOKTOK  
BUB002(P)

October 2001

# **BINATANG BILONG RAIS**

## **TOK I GO PAS**

Rais em i namba tu kaikai bilong ol PNG tasol planti bilong ol rais ol i kamapim long narapela kantri na mipela baim na karim ikam long PNG. Sampela fama i save planim liklik rais bilong kaikai bilong ol yet na salim liklik igo ling Trukai Industri na long ol narapela man-meri.

Igat tupela wei bilong planim rais. Namba wan em long planim insait long wara, ol i kolim '*Pedi Rais*'. Namba tu em long planim long ples drai na bai ren i helivim long gro. Rais i save kisim tripela mun long kamap na karin kaikai Bihain long yumi ken kamautim, rausim skin na kaikai.

Igat sampela binatang i save kaikai na bagarapim rais taim em i gro long gaden. Ol dispela binatang i save kaikai na bagarapim rais taim em i gro long gaden. Ol dispela binatang inap long kamapim bikpela bagarap long rais. Taim ol dispela binatang i kamap planti, ol i ken bagarapim rais. Tasol igat sampela kain rais we binatang ino inap long bagarapim tumas.

putim kiau insait long bun bilong rais. Taim pikinini i kamap, ol bai kaikai bun bilong rais. Kru bilong rais i bai drai na kamap wait. Sampela kain rais i no inap bagarap tumas long dispela binatang.



Piksa 4. Katapila bilong Stem bora i stap insait long bun blong rais

## BRAUN PLANT HOPA

Dispela em i wanpela binatang i save pulim wara bilong rais na kamapim bikpela bagarap. Taim planti binatang istap na pulim wara bilong rais, rais bai i drai na kamap braun. Taim planti rais i bagarap, ol i kolim 'Hopa Ben'.



Piksa 1. Pikinini bilong Braun Plant Hopa

## RAIS LIP FOLDA

Rais lip folda em i wanpela katapila bilong bataflai i save passim lip bilong rais na stap

insait long dispela lip em i passim. Taim em i stap namel long dispela lip, em i save kaikai na bagarpim lip. Ol lip we binatang i bagarapim bai kamap wait. Taim planti binatang i stap, rais bai ino inap karim gut kaikai.




Piksa 2. Binatang katapila i stap insait long lip bilong rais

## RAIS BAGG

Dispela em ol braunpela bun nating binatang i save pulim wara bilong sid bilong rais. Taim ol i yanpela, kala bilong ol i grin na tanim braun

taim ol i go bikpela. Sapos planti binatang i stap na pulim wara bilong sid, bai i nogat kaikai insait long sid. Ol dispela binatang i save kamap taim rais i stat long karim.



Piksa 3. Rais bagg i pulim wara bilong rais sid

## RAIS STEM BORA

Dispela em i pikinini bilong wanpela bataflai i save stp insait long bun bilong rais na kaikai na kilim yanpela kru bilong rais. Mama i save